



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Q. 1. An extat præceptum Correctionis Fraternæ, & quos ac quando
obligat.

urn:nbn:de:hbz:466:1-40986

ad ejus emendationem, estque actus justitiae vindicativæ. 2. A paterna, qua Superior cum auctoritate absque forma iudicij corripit delinquentem, ad eum emendandum, & ad tollendum scandalum: nam hæc supponit specialem ad id auctoritatem in faciente, nec solum ad bonum delinquentis, sed etiam ad bonum commune ordinatur.

Q. 1. An extat præceptum correctionis paterna, & quos, ac quando obligat?

Resp. I. Extat tale præceptum. Constat i Eccli. 19. Corripe proximum, ne forte iteret. Ex 2. ad Theff. 3. Corripe proximum, ne forte iteret. Ex 2. ad Theff. 3. Corripite ut fratrem & Matth. 18. Si peccaverit in te frater tuus, vade, & corripe eum. Quod de omni peccato intelligendum est: ibi enim species ponitur pro genere, nam ratio, cur Christus præcipit corriger peccantem contra nos, est, quia vitam animæ peccando perdidit, ut docet S. August. & patet ex his verbis: Si te audierit, lucratus eris fratrem tuum. Imò multi Patres pertò in te intelligent coram te. 2. ex c. 13. de Judic. &c. Facientis dist. 86. & ex Patrum ac Doctorum consensu 3. Quia Lex Charitatis obligat ad subveniendum miseriæ proximi, præsertim gravi. Maxima autem miseria est peccatum; & proxi-

mus est in necessitate spirituali saltem aliqui, ob quam indiget correctione, quatenus sine ea peccatum vitare, aut ab eo resurgere non potest, nisi difficulter, ob peccati nempe illecebras, & determinationem pravæ suæ voluntatis, vel ob ignorantiam, aut inadvertentiam vincibilem. Unde correctio fraterna est moraliter necessaria, quod sufficit, ut sit in præcepto, quando fructus ex ea speratur.

Resp. II. Hoc præceptum obligat sub mortali ad corrigendum proximum, de quavis culpa mortali non emendata, quæ est gravissimum malum: nam materia gravis est.

Juxta Cajet. Valent. Layman, & alios, obligat etiam per se loquendo ad eum corripiendum de veniali: nam Charitas exigit, ut quodvis proximi malum, quantumvis in suo genere exiguum, impediamus, vel tollamus, saltem cum facillimè, & sine ullo incommodo nostro possumus: sicut obligat, ut nullum malum quantumvis leve ei inferamus. Sed hæc obligatio est solùm sub veniali, ob parvitatem materiæ; nisi sit periculum morale, ne ex venialibus sequatur mortale, vel grave scandalum, vel magnum damnum spirituale Ordini religioso. Quare ex consensu Doctorum Superiorum Religiosorum tenentur sub mortali impedire, & corrigerे culpas veniales, per quas notabiliter laeditur religiosæ disciplinæ.

DE VIRTUTIBUS THEOLOGICIS. 457
plinæ vigor: quia notabilis jactura disciplinæ, etiam per defectus leves, est grave malum religionis, quod Superior tenetur ex officio avertere, & tollere.

Dixi, *per se loquendo*; nam sæpe non est obligatio respectu venialis; eo quod sæpius talis correptio potius obesset, quam prodesset, præsertim sacerdotalibus; nisi fiat erga aliquem perfectionis suæ studiosum, aut valde familiarem, aut ab eo, qui ratione officii peculiarem curam gerere debet proximi.

Resp. III. Hoc præceptum obligat omnes, & singulos, etiam æquales, inferiores, Laicos, peccatores, quando utiliter corrifere possunt sine suo gravi damno. *Ita commun.* cum S. Th. 2. 2. q. 33. a. 4. Prob. I. ex Mat. 18. *Si peccaverit in te frater tuus, corripe eum.* Quod dirigitur ad eum omnem, qui proximi peccatum novit. Et ex Eccli. 17. *Mandavit unicuique de proximo suo, adjuvando scilicet in omnibus necessitatibus tum corporalibus, tum maxime spiritualibus.* 2. Ex cap. Tam. 24. q. 3. *Tam Sacerdotes, quam reliqui fideles omnes summam curam habere debent de his, qui percunt: quatenus eorum redargutione, aut corriganter à peccatis, aut si incorrigibiles apparuerint, ab Ecclesia separantur.* Et ex cap. 12. de Hæret. ubi In. noc. III. ait: *Cum aliud sit fratrem peccantem occultè corrifere, quod quisque teneatur.*

Ff 5

tur.

tur efficere secundum Regulam Evangelicam. 3. Quia hæc obligatio oritur ex Charitate, & misericordiâ, quæ sicut ad eleemosynam corporalem, sic etiam ad spiritualem obligat omnes, qui possunt illam facere. Unde etiam subditus tenetur corrigerre Superiorem: nam præceptum correptionis fraternæ obligat ad subveniendum per correptionem omni proximo in miseria spirituali constituto; nec ad hoc requiritur jurisdictio, sed sufficit conjunctio Charitatis, quæ cæteris paribûs debet esse major erga Superiores, qui etiam sæpe magis indigent, cùm in majoribus obligationibus, & periculis versentur, ut notat Suarez. Debent tamen corrigi seorsim, & magis obsecrando, quam arguendo, juxta illud. I. Ad Tim. 5. *Seniorem ne increpaveris, sed obsecra ut Patrem.* Nisi ex ejus peccato periculum gravis scandali vel Fidei immineret: tunc enim publicè corripiendus esset Superior ad tollendum scandalum.

Porro Superiores, ut parentes, Domini, Pastores, Prælati ad corrighendos subditos magis obligantur tum ex Charitate; nam Charitatis Ordo id postulat, & sunt magis idonei: tum etiam ex justitia ratione officii; unde illud. I. Ad Timot. 5. *Si quis suorum... curam non habet, est infideli deterior.* Hinc eorum obligatio ad plures actus se extendit: nam tenentur de eorum

rum peccatis inquirere, ut illa corrigan^t, & eorum bonum spirituale promovere, quantum possunt. Debent enim ipsi per vigilare, quasi rationem pro animabus eorum reddituri, ex ad Heb. 13. Imò debent punire suos subditos, etiamsi nulla sit spes emendationis, ut scandalum tollatur, & alii deterreantur, & sic bono communi provideatur.

Resp. IV. Ut hoc præceptum obliget, *ex communi sent.* requiruntur sequentia.

1. Ut proximus prudenter judicetur peccâsse, vel esse in proximo periculo pec candi: alioqui temeraria esset correctio, vel monitio: at nullus actus temerarius præceptus est. Porro nemo inquirere tenetur, nisi Superior. Sed ut Superior tenetur inquirere, sufficit suspicio, vel dubia cognitio. *Ita commun.* quia cùm tenetur ex officio vigilare super gregem suum, etiam tenetur occurrere malis dubiis.

2. Ut sit periculum, ne relabatur, vel permaneat in peccato, & ut putetur non aliter facile emendandus: alioquin non esset indigentia spiritulic, ideoque nec locus eleemosynæ spirituali. Præceptum autem subveniendi proximo non obligat, nisi in ejus necessitate, seu indigentia.

3. Ut sit probabilis spes emendationis, *ex Prov. 9.* *Noli arguere derisorem:* nam desperato fine nemo tenetur ad medium
in-

inutile; & correctio non est præcepta, nisi prout conducit ad emendationem proximi, quæ est ejus finis intrinsecus. Et verò tunc correctio esset imprudens: nemo autem obligari potest ad actum imprudentem. ita S. Thom. 2. 2. q. a. 6 ibi. *Duplex est correctio delinquentis.* Una quidem pertinens ad Prælatos, quæ ordinatur ad bonum commune, & habet vim coactivam. Et talis correctio non est dimittenda, propter turbationem ejus, qui corripitur, tum quasi propria sponte emendari non velit, cogendus est per pœnas, ut peccare desistat: tum etiam quia, si incorrigibilis sit, per hoc providetur bono communi, dum servatur ordo justitiae, & unius exemplo alii deterrentur... Alia est correctio Fraterna, cuius finis est emendatio delinquentis, non habens coactionem, sed simplicem admonitionem: & ideo, ubi probabiliter estimatur, quod peccator admonitionem non recipiat, sed ad pejora labatur, est ab hujusmodi correctione desistendum: quia ea, quæ sunt ad finem, debent regulari secundum quod exigit ratio finis.

Excipe, nisi redargutio necessaria, vel utilis sit ad honori Dei, vel famæ proximi consulendum, aut scandalum aliorum impediendum, ut, cum quis blasphemias, vel errores profert, aut detrahit proximo. Tum enim fieri debet correctio, etiamsi nulla

nulla sit spes emendationis delinquentis , ne tacendo videaris approbare malum : & & quia teneris injuriam Dei , & grave malum proximi impedire , cùm potes . At tunc non erit strictè correctio Fraterna peccantis , sed alius actus Charitatis Deo , vel alteri proximo debitus .

Porro non est omittenda correctio propter aliquam tristitiam delinquentis , vel etiam iram cum aliqua levi culpa , si tandem speretur emendatio : quia hæc per accidens sequuntur , & ad impediendum magis malum permitti possunt . Item correctio fieri debet , si decursu temporis , licet non statim , fructus speretur .

4. Ut non adsit alter magis idoneus , vel dignitate , aut ætate Superior , qui commodius possit & velit corriger : nam tunc peccans non indiget tua correctione : quod si ille tertius aptior nolit , teneris perinde , ac si tu unus es , qui posses corriger : nam tunc tua correctione peccans indiget .

5. Ut opportuno tempore fiat , quando scilicet fructus probabiliter sperari potest : nam alias non prodesset , sed potius obeset . Præterea (ait S. Thom. q. 33. a. 2.) *Actus virtutum non quolibet modo fieri debent , sed observatis debitibus circumstantiis , quæ requiruntur ad hoc , quod sit actus virtuosus , ut scilicet fiat , ubi debet , & quando debet , & secundum quod debet .*

Qua-

Quare non semper facienda est statim, atque peccatum cognitum est.

Sed quid si dubitetur, sitne profutura correctio?

Resp. Si de fructu dubites, & simul certò scias obfuturam non esse, teneris corrigerere: quia sicut in morbo corporali, ita & in spirituali remedium, quod non est obfuturum, adhiberi debet in dubio, an sit profuturum, si nullum certius adsit. Et quia adest materia correctionis, & fieri potest, ut obtineatur ejus finis. Siverò dubites non modò, sitne profutura correctio, sed etiam num sit nocitura, eam omittere debes: quia cùm correctio ad emendationem ordinetur, fieri non debet, cùm æquè imminet peccatum proximi, ac ejus emendatio. Excipe, nisi alioqui moritus esset in mortali: nam tunc, etiam in dubio de peccato mortali, ipse admonendus esset, ne proximus damnetur in æternum.

Q. 2. An corripiendus est, qui peccat ex ignorantia?

Resp. Corrigendus est, & docendus. 1. Si ignorantia sit culpabilis: quia est in gravi miseria spirituali, cùm hæc ignorantia sit peccatum, nec excusat à peccato. 2. Si malè agat ex ignorantia invincibili juris naturalis, vel etiam positivi humani, quando